

## Abhishek Path (Harajasarayji from Jinendra Archana)

(दोहा)

जय जय भगवंते सदा, मंगल मूल महान ।  
वीतराग सर्वज्ञ प्रभु, नमों जोरि जुगपान ॥

परमौदारिक दिव्य देह पावन सही ।  
क्षुधा तृषा चिन्ता भय गद दूषण नहीं ॥  
जन्म जरा मृति अरति शोक विस्मय नसैं ।  
राग रोष निद्रा मद मोह सबैं खसैं ॥

श्रम बिना श्रम जलरहित पावन, अमल ज्योति स्वरूप जी ।  
शरणागतनि की अशुचिता हरि, करत विमल अनूप जी ॥  
ऐसे प्रभु की शांतमुद्रा को न्हन जलतैं करैं ।  
'जस' भक्तिवश मन उक्ति तैं, हम भानु ढिंग दीपक धरैं ॥५॥  
तुम तो सहज पवित्र यही निश्चय भयो ।  
तुम पवित्रता हेत नहीं मज्जन ठयो ॥  
मैं मलीन रागादिक मलतैं ह्वै रह्यौ ।  
महामलिन तन में वसु विधिवश दुख सह्यौ ॥  
बीत्यो अनंतो काल यह, मेरी अशुचिता ना गई ।  
तिस अशुचिताहर एक तुम ही, भरहु वांछा चित ठई ॥  
अब अष्टकर्म विनाश सब मल, दोष-रागादिक हरौ ।  
तनरूप कारागेह तैं, उद्धार शिववासा करौ ॥६॥

तुम भवदधि तैं तरि गये, भये निकल अविकार ।  
तारतम्य इस भक्ति को, हमैं उतारो पार ॥१०॥